

1099
A
1099



F

anf.

SS

LEGES ET JURA-
MENTUM STU-
DIOSORVM

IN ACADEMIA IVLIA.

Anno 1656 Mens. Feb. 19. 20





LEGE S.

I.



Uti Deum non colit, nec fidem catho-
licam Symbolo Apostolico Nicæno &
Athanasiano comprehensam amplecti-
tur, à pietatis Christianæ studiis alienus
huc nullus introito: quin imò literarum
initia à Deo ter optimo maximo, Patre, Filio & Spi-
ritu Sancto vobis ducenda sunt, & labores à capite
aliquo sacræ Scripturæ quotidie inchoandi. Quic-
quid facitis, invocandus est omnium Pater. Quo
prætermisso omnis conatus vester erit irritus. Sic
vobis illud in mente: ἀρχὴν ἀπάντων καὶ τέλος
ποιεῖ Θεόν.

II. Nullus sit divini nominis temerator, nec sa-
nioris doctrinæ contemptor, nec præstigiis & incan-
tationibus deditus, nec perjurus. Fidem magistratui
& aliis datam servate. Citatus in iudicium veniat, &
sententiæ pareat; nec vadimonium sive arrestum si-
ne Prorectoris expresso permisso deserat.

III. Dies Dominicus vobis sacer & solemnus
esto: audiendæ sunt conciones, & Deo publicè pre-
ces offerendæ, sanctisque operibus vacandum. Ab
aliis

aliis igitur negotiis, à ludis, à dictis, & factis, quibus profanari possit, in sacra cumprimis æde, abstinendum.

IV. Magistratum non minùs ac parentes colite: apud hunc nomen suum profiteatur intra octiduum, quicumque studiorum gratia huc venerit, nec à quoquam Professorum, vel civium in habitationem recipiatur, nisi inscriptus. Et licet nomen in album Studiosorum ante retulerit, cum animus hic commorandi non esset: nihilominus tamen, si postea domicilium in Academia habere constituit, id magistratui significabit, ejusque jurisdictioni se subjiciet. Qui verò nomine se Studiosum venditat, lectiones autem publicas non audit, nec honestas artes discit, is monitus, si non emendarit, in patriam remittetur. Magnifico Domino Prorectori, aliisque Professoribus, præceptoribus vestris, quem honorem & quam debetis obedientiam, præstate. Edicta & Programmata, quibus, quid vobis faciendum sit, significari solet, æquè ac cæteras leges observate. Qui verò quod in charta publicè propositum erit, refixerit, aut corruerit, in eum gravi poena animadvertetur.

V. Prohibemus quoque omnem vim, & omnes injurias, factiones, tumultus, ædium expugnationes, verberationes, vulnerationes, cædes. Interdicimus usum armorum vobis illicitum, inprimis eorum, quas bombardas vocant. Nemo sclopetum intra

moenia explodat. Nemo enssem temere stringat, aut
stricto illo ludat. Qui vel ludens ita quem læserit,
gravissime punietur. Quod si quis in oppido, præ-
fertim noctu, globum plumbeum fuerit ejaculatus,
ipso facto relegationis poenam incurret. Simili poena
afficientur, qui post solennem ad duellum provoca-
tionem intra vel extra urbem dimicaverint. Qui
convitiis aut contumeliosis dictis rixæ causam dede-
rit, quasi prior læserit manu, habebitur. Ad dimi-
cationem nemo quem vel charta vel alio internun-
cio stimulet. Nemo pro internuncio sese gerat. In
delinquentes haud secus atque in ipsos dimicantes
animadvertetur. Nocturni grassatores, qui vocifera-
tione, vario telorum strepitu, vel buccinarum tu-
barumque clangoribus publicam quietem turbant,
punientur graviter. Ignem, noctu maximè, neque
seriò neque joco quis intra moenia jaciat. Nemo in
tenebris per viam nisi clauso lumine utatur. Qui
faces accenderint, sentient poenam.

VI. Castitatem, sobrietatem, temperantiam &
modestiam in omni vita sectemini. Occasiones libi-
dinum & intemperantiæ, ganeas, popinas fugite.
Sumptuosa quoque & intempesta convivia in uni-
versum interdicta volumus. In cauponas publicas
noctu ne ingredimini. Nemo in domos, ubi cele-
brantur nuptiæ, non vocatus irrumpat; nec sacri
connubialis chorearumve festivitatem turbet. Ne-
mo in

mo in aedes alienas, vel alterius museum, invito inhabitatore, introito: nec invitum inde evocato. Nemo larvatus, sive personatus, neque diurno neque nocturno tempore prodeat: nec quisquam Bacchi orgia, jam dudum abolita, in usum revocet, vel in posterum imitetur. Nemo denique sine pallio in publico compareto.

VII. Nemini furto quicquam auferte. Nummis aliisque rebus neminem defraudate: nullius animum corrumpite. Nemo eum, qui posterior in Academiam venit, ad computationes, & in eas faciendos sumptus inducat, nedum minis compellat. Quod scelus quovis furto gravius esse ducimus, & reservato conditionis jure, ejusmodi facinoris reum ex eruditorum consortio relegandum statuimus. Porro ex mutuo, vel ex empto, vel conducto, vel alio contractu quod debetis, ejus solutionem ultra diem, quo promisistis, non differte. Singulis quoque mensibus, nisi aliter convenerit, precium pro victu & potu, iis qui suppeditant, solvite. Qui aes alienum contraxit, tanquam vadimonio aut arresto publico teneretur, jurisjurandi sui memor, ne hinc abito absque creditorum apud magistratum Academicum diserte professsa consensione. Qui clam creditoribus suis hinc sese subduxerit, in illum non minus atque in arresti publici violatorem animadvertemus. Quum locationes conductionesque museorum & lectorum, nisi ex-

pressis verbis aliter convenerit, festo Paschatis & Michaëlis Archangeli definiantur, si mutare sit animus, sex septimanis ante tempus illud, contractui renunciandum est. Conductor id qui neglexerit, etiamsi hinc discedens, dimidium semestris locarii persolvito. A chartarum, alexæque lusu abstinete. Nam quod quisquam ejusmodi lusu lucrifecit, æquè ac si furto sublatum esset, restituet: & præterea cum collusoribus à magistratu punietur.

II. Veritatem, & simplicitatem in omni doctrinæ & vitæ genere sequimini. Mendacia, sophismata, calumnias, obrectationes, convitia, perfidiam, fraudes, jactantiam, simulationes, fugit. Omnes denique sermones ab animo, & rebus ipsis dissidentes, supplantandi alicujus causa confictos, veluti diabolus, mendacii patrem execremini. Nemo legi fraudem facito. Quod delictum puer, aut famulus commiserit, ejus dominus quoque reus est, si nequitiae ministrum non prohibuit, cum prohibere potuit. Quisquis etiam homo privatus sibi potestatem aliorum mores ignominia notandi sumserit; aut innocentium existimationem falsis criminibus, sycophantiis vel libellis famosis laceraverit, is deprehensus infami exclusionem ex Academia ejicietur.

III. Vestrum quoque est domare cupiditates & affectus: coërcere voluptates: refrænare iram & vindictam

dictæ cupiditatem: fugere luxuriam, prodigalitatem,
& superbiam, non minùs ac ambitionem & avariti-
am, cæterasque animorum pestes. Ex his enim con-
tagiis, & malorum quasi fontibus varia delicta cau-
sam trahunt: quæ nisi cavebitis, aliis atque aliis poenis
vos cumulant, & in extremum exitium præcipitant.

X. Postremo nihil alienum concupiscite, nec a-
liorum commodis insidiamini: sed cuique, quod su-
um est, tribuite. Mores vestros ad normam legum
decalogi omni studio dirigite. Præmia, si obsequimi-
ni, virtuti debita consequentur. Qui verò his refraga-
bitur, in eum, prout quæque res erit, magistratus
animadvertet. Deus quoque unicuique secundùm o-
pera retribuet: peccata & in præsentivita, & futura
vindicabit: pietatem autem infinitis beneficiis com-
pensabit.

JURA-



JURAMENTUM.

Ego N. N. Iuro & sanctè promitto, vobis Domino Prorectori Academiae hujus Iuliae, vestrisque in hoc officio successoribus ac reliquis Professoribus, debitam obedientiam ac reverentiam.

Et quòd volo servare leges & statuta, ac per Universitatem statuenda.

Speciatim vero Serenissimorum Principum editum abrogationem Pennalismi concernens in omnibus capitibus sanctè observabo.

In iudicium jussu Prorectoris aut successorum eius vocatus, vel propter delictum aliquod (quod tamen Deus clementer avertat) ex hac urbe intra certum diem discedere jussus, comparere ac obedire volo sententiae ac iudicio vestro & Senatus Academiae.

Nec vadimonium aut arrestum, si quando eo me obligari contingat, ignorante aut non concedente Prorectore deseram.

Neque hinc discedam, quin creditoribus meis satis fecerim, aut eorum expressam obtinuerim voluntatem.

Sic me Deus adjuvet!



99 A 6919

ULB Halle 3
002 631 202





Sl.

Reho. ✓

VD17







46.

LEGES ET JURA-
MENTUM STU-
DIOSORVM

IN ACADEMIA IVLIA.

Anno 1676 Mens. Feb. 19.

